



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 218

DATUM: 29.05.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Zajednička sjednica predsjedništva Saveza općina i gradova Federacije BiH, Saveza opština i gradova Republike Srpske i Udruge gradova Republike Hrvatske

Održana Dvanaesta sjednica Predsjedništva Saveza

Sastanak na temu Nacrt zakona o državnoj službi u Kantonu Sarajevo

Održana zajednička sjednica tri komisije Saveza

Sastanak delegacije Saveza općina i gradova Federacije BiH sa Federalnim ministrom pravde

Svečana sjednica Općinskog vijeća Kakanj

Postavljen kamen temeljac za izgradnju zgrade Internacionalnog univerziteta u Goraždu

Svečano otvoren Kulturni centar Altindag- Visoko

U Bihaću održan trening za korištenje alata SWISS I CFM

Najava obilježavanja dana općina za mjesec maj/ svibanj

Bilten Saveza općina i gradova Federacije Bosne i Hercegovine

ZAJEDNIČKA SJEDNICA PREDSJEDNIŠTVA SAVEZA OPĆINA I GRADOVA FEDERACIJE BiH, SAVEZA OPŠTINA I GRADOVA REPUBLIKE SRPSKE I UDRUGE GRADOVA REPUBLIKE HRVATSKE



Zajednička sjednica Predsjedništva Saveza općina i gradova Federacije BiH, Saveza opština i gradova Republike Srpske i Udruge gradova Republike Hrvatske održana je danas u Čitluku. Uz veliki broj načelnika i gradonačelnika općina i gradova iz Federacije BiH i Republike Srpske te gradonačelnika iz Hrvatske sjednici su bili prisutni i Ivo Jerkić, načelnik Općine Čitluk i predsjednik Predsjedništva Skupštine Saveza općina i gradova Federacije Bosne i Hercegovine, Željko Turk, gradonačelnik Grada Zapešića i

predsjednik Udruge gradova Republike Hrvatske, Mićo Mičić, gradonačelnik Grada Bijeljine i predsjednik Predsjedništva Saveza opština i gradova Republike Srpske i Vesna Travnjanin, direktorica Saveza općina i gradova Federacije BiH. Na sjednici su bili i predstavnici Parlamenta Federacije BiH, Federalnog ministarstva finansija i SIDA-e. Nositelji vlasti u jedinicama lokalne samouprave razmijenili su svoja iskustva i ideje u različitim oblastima, od iskustvo hrvatskih gradova i općina u procesu europskih integracija, preko revitalizacija kulturne baštine, lokalnog ekonomskog razvoja pojedinih općina do perspektive razvoja i suradnje asocijacija lokalnih vlasti BiH i Hrvatske, a prezentirana je i strategija razvoja Saveza općina i gradova Federacije BiH za period 2015. - 2022. godine. Takođe, gosti iz Hrvatske prenijeli su svoja iskustva bh. kolegama kada je u pitanju povlačenje sredstava iz fondova Europske unije, kao i odnos središnje države i jedinica lokalne samouprave. Gradonačelnik Zapešića i predsjednik Udruge gradova Republike Hrvatske Željko Turk, istaknuo je kako je temeljno pitanje funkcioniranja svake države pitanje centralizacije i decentralizacije. "Hrvatska je relativno centralizirana zemlja u kojoj je velik dio novca na centralnom nivou. Naša je želja i zadaća da uslugu što je moguće više približimo građanima, a upravo to je jedan od temeljnih postulata Europske unije. Naša je uloga da spojimo taj centralni dio i onaj životni jer, u pravilu, dobar dio života građana događa se na lokalnoj razini", kazao je Turk u izjavi za novinare. Glede povlačenje sredstava iz fondova Europske unije, Turk je dodao kako je osnovni preduvjet postojanje jasnih razvojnih planova općina i gradova, kao i kvalitetni kadrovi koji te strateške planove znaju realizirati. Gradonačelnik Bijeljine i predsjednik Saveza opština i gradova Republike Srpske Mićo Mičić istaknuo je kako je dragocjeno iskustvo hrvatskih gradova i općina kada su u pitanju EU fondovi, istaknuvši kako će građani Bosne i Hercegovine osjetiti konkretnu korist, ako bosanskohercegovački dužnosnici budu učili iz tih iskustava. Direktorica Saveza općina i gradova Federacije BiH Vesna Travnjanin podsjetila je kako je problem odnosa između viših i nižih razina vlasti i dalje prisutan u BiH. Zakon o načelima lokalne samouprave u Federaciji BiH predviđa da svi zakoni koji se odnose na lokalnu razinu moraju biti usvajani u konzultaciji sa Savezom općina i gradova Federacije BiH, međutim, u praksi se to ne događa. "Ipak, u zadnje vrijeme ima nekih pomaka. Prilikom nedavnih konzultacija o novom zakonu o raspodjeli javnih prihoda, predstavnici

Gledajte Savez općina i gradova
Federacije Bosne i Hercegovine na



Međunarodnog monetarnog fonda dali su neke preporuke koje idu na ruku jedinicama lokalne samouprave," kazala je Travljanin. Načelnik općine Čitluk Ivo Jerkić, predsjednik Predsjedništva Skupštine SOGFBiH, istaknuo je kako već postoje primjeri dobre suradnje jedinica lokalne samouprave Hrvatske i BiH, dodavši kako se nada da će se nakon današnjeg sastanka ta suradnja intenzivirati. "U BiH stalno pričamo o nekakvim ustavnim promjenama. Kakve god one bile jedno je sigurno, a to je da jedinice lokalne samouprave ostaju. Građani preko njih rješavaju većinu svojih potreba, stoga je nama najvažnije biti uključen u procese usvajanja zakonskih propisa koji se odnose na lokalnu zajednicu", dodao je on.



ODRŽANA DVANAESTA SJEDNICA PREDSJEDNIŠTVA SAVEZA



U Čitluku je dana 21.04.2016. godine održana Dvanaesta sjednica Predsjedništva Skupštine Saveza općina i gradova Federacije Bosne i Hercegovine. Predsjedništvo je usvojilo Zapisnik i zaključke sa Jedanaeste sjednice Predsjedništva Skupštine kao i Izvještaj o izvršenju finansijskog plana Saveza općina i gradova Federacije BiH za 2015. godinu i Prijedlog finansijskog plana Saveza općina i gradova Federacije BiH za 2016. godinu. Na sjednici je usvojen i zapisnik sa zajedničke sjednice Komisije za imovinska pitanja, prostorno uređenje, stambeno-komunalne

djelatnosti i zaštitu životnog okoliša, Komisije za ustavna i zakonodavna pitanja i Komisije za razvoj i unapređenje lokalne samouprave, koje su razmatrale Prijedlog zakona o energetske efikasnosti u FBiH, radni materijal Zakona o izmjenama i dopunama Zakona o vodama, Nacrt zakona o turizmu FBiH i Zakon o boravišnoj taxi FBiH. U vezi s navedenim, Predsjedništvo Saveza je podržalo Prijedlog zakona o energetske efikasnosti, uz uslov da Ministarstvo energije, rudarstva i industrije FBiH prihvati primjedbe koje im je dostavio Savez, kao i one iznesene na sjednici Komisija, te da se u Zakonu obavežu kantonalne/županijske skupštine da usklade zakone o prostornom uređenju sa ovim zakonom. Pri izradi Nacrta zakona o izmjenama i dopunama Zakona o vodama, zaključeno je da je potrebno harmonizirati ovaj zakon sa Zakonom o slatkovodnom ribarstvu, pri tome vodeći računa o Zakonu o principima lokalne samouprave u FBiH, te voditi računa da se, prilikom izdavanja vodnih akata ima u vidu da su vode, kao prirodni resurs, u vlasništvu jedinice lokalne samouprave na njenom području. Predsjedništvo Saveza je zaključilo da Nacrt zakona o turizmu FBiH i Nacrt zakona o boravišnoj taxi FBiH predstavljaju dobru osnovu za daljnje aktivnosti. Članovi Predsjedništva su upoznati sa održanim savjetovanjem za predstavnike federalnih ministarstava na temu „LOD metodologija i njena primjena“. Na inicijativu Općine Glamoč koji se nalazi u veoma teškoj ekonomskoj situaciji sa blokiranim računom, Predsjedništvo je zaključilo da se uputi dopis Federalnom ministarstvu finansija/financija i Poreznoj upravi FBiH sa molbom da razmotre mogućnost reprogramiranja duga za Općinu Glamoč, kao i za druge jedinice lokalne samouprave koje bi se mogle naći u ovakvoj situaciji. Predsjedništvo Saveza je imenovalo Aidu Daul u Komisiju za izradu Zakona o državnoj službi u Srednjobosanskom kantonu i Azru Stambolić u arbitražno tijelo za arbitražu budžeta Općine Bužim.

"Ipak, u zadnje vrijeme ima nekih pomaka. Prilikom nedavnih konzultacija o novom zakonu o raspodjeli javnih prihoda, predstavnici Međunarodnog monetarnog fonda dali su neke preporuke koje idu na ruku jedinicama lokalne samouprave," kazala je Travljanin.

SASTANAK NA TEMU NACRT ZAKONA O DRŽAVNOJ SLUŽBI U KANTONU SARAJEVO

U organizaciji Saveza općina i gradova FBiH je 25. aprila/travnju u prostorijama Općine Centar Sarajevo održan sastanak na temu Nacrt zakona o državnoj službi u Kantonu Sarajevo. Sastanku su prisustvovali Mario Nenadić, ministar pravde i uprave KS, Hasan Zemanić, pomoćnik ministra, Vesna Travljanin, direktorica Saveza, Selma Fišek, viši stručni saradnik u Savezu i 20-tak predstavnika svih jedinica lokalnih samouprava iz Kantona Sarajevo. Na sastanku je razmatran Nacrt zakona o državnoj službi u Kantonu Sarajevo koji je utvrdila Vlada KS i koji bi se



trebao naći na dnevnom redu sjednice Skupštine KS zakazane za 27.04.2016. godine. Mersiha Šabaredžović- Klačar, sekretar Općinskog vijeća Novo Sarajevo iznijela je zajedničke stavove i primjedbe sekretara općinskih / gradskih vijeća KS na tekst Nacrta ističući neslaganje sa njegovim odredbama, posebno onim koje tretiraju položaj sekretara općinskih / gradskih vijeća. Tokom sastanka mogli su se čuti različiti stavovi u pogledu predloženog Nacrta, a koji će biti razmotreni od strane Ministarstva. Istaknut je stav Predsjedništva Skupštine Saveza da se prilikom donošenja kantonalnih zakona o državnoj službi jedinice lokalne samouprave izuzmu iz njihove primjene, te da se radnopravni status ovih zaposlenika uredi na jedinstven način.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfoocentar.ba
www.balkanfund.org
www.eurelsmmed.com
www.eacea.ec.europa.eu

ODRŽANA ZAJEDNIČKA SJEDNICA TRI KOMISIJE SAVEZA



U prostorijama Općine Novo Sarajevo, 14. aprila/travnja 2016. godine, održana je zajednička sjednica Komisije za ustavna i zakonodavna pitanja, Komisije za razvoj i unapređenje lokalne samouprave i Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša. Sjedinici su ispred komisija prisustvovali: Vildana Smajović, Esmir Brković, Rizama Tukulji, Čedomir Jelić, Aida Daul, Josip Vidović, Diana Salihbegović, Asim Zec, Mirsad Sadić, Anto Bonić, Emir Bubalo, Ružica Marković, Jasminka Kovačević, Redžo Bašić i Meliha Avdibegović, te Stipo Buljan i

Amira Pintul (Federalno ministarstvo energije, rudarstva i industrije), Jasmina Katica (Federalno ministarstvo prostornog uređenja), Hazima Hadžović (Federalno ministarstvo poljoprivrede, vodoprivrede i šumarstva), Bisera Hotić i Edina Đonko (Federalno ministarstvo okoliša i turizma), Dubravka Bošnjak (GIZ- Otvoreni regionalni fond za Jugoistočnu Evropu), Brian Schjertzer i Esad Smajlović (GIZ), Vesna Travljanin, Selma Fišek i Zlata Turkić (Savez). Na sjedinici je raspravljano o Prijedlogu zakona o energetskej efikasnosti u Federaciji Bosne i Hercegovine, Zakonu o izmjenama i dopunama Zakona o vodama (Radni materijal), Nacrtu zakona o turizmu Federacije Bosne i Hercegovine i Zakonu o boravišnoj taksi Federacije Bosne i Hercegovine. Tokom diskusije istaknuto je kako Prijedlog zakona o energetskej efikasnosti u FBiH nije usklađen sa Zakonom o javnim nabavkama BiH, te da je prenormiran i da se dodatno usložnjavaju procedure i troškovi zato što svojim odredbama opterećuje lokalni nivo prilikom izdavanja dokumentacije o građenju.



Posebna pažnja posvećena je pitanju aktivnosti oko dobijanja sertifikata o energetske efikasnosti kada su u pitanju individualno izgrađeni objekti i pitanju šta je sa objektima koji su u postupku legalizacije. Zaključeno je Savez općina i gradova FBiH podrži Prijedlog zakona o energetske efikasnosti, uz uslov da se primjedbe koje su dostavljene Ministarstvu i iznesene na ovoj sjednici prihvate, te da se obavežu kantonalne/županijske skupštine da usklade zakone o prostornom uređenju sa ovim zakonom. Kada je u pitanju Zakon o izmjenama i dopunama Zakona o vodama, doneseni su zaključci da je pri izradi Nacrta zakona potrebno izvršiti harmonizaciju istog sa Zakonom o slatkovodnom ribarstvu vodeći računa o odredbama Zakona o principima lokalne samouprave u FBiH, da se prilikom izdavanja vodnih akata vodi računa da su vode, kao prirodni resurs, u vlasništvu jedinice lokalne samouprave na njenom području, te da se konsultuje Federalna uprava civilne zaštite u cilju osiguranja preventivne zaštite vodnih tokova. Što se tiče Nacrta zakona o turizmu FBiH i Zakona o boravišnoj taksi FBiH, zaključeno je da isti predstavljaju dobru osnovu za daljnje aktivnosti, ali da je potrebno preispitati ukidanje članarine što je predviđeno Nacrtom zakona o turizmu FBiH, zatim da je potrebno pozvati Ministarstvo da prihvati primjedbe iz jedinica lokalne samouprave, kao i riješiti pitanje obavljanja djelatnosti turističkog vodiča kao osnovnog i dopunskog zanimanja i urediti prelazne i završne odredbe. U okviru sjednice, Ružica Marković (Općina Glamoč) iznijela je problem funkcioniranja Općine Glamoč zbog blokade računa koji traje već duže vrijeme, te je zaključeno da se predloži Predsjedništvu Saveza da uputi dopis Federalnom ministarstvu finansija i Poreznoj upravi FBiH sa molbom da razmotre mogućnost reprogramiranja duga i rješavanje ovih problema za jedinice lokalne samouprave koje se nalaze u ovakvoj situaciji.

SASTANAK DELEGACIJE SAVEZA OPĆINA I GRADOVA FEDERACIJE BIH SA FEDERALNIM MINISTROM PRAVDE



Delegacija Saveza općina i gradova Federacije Bosne i Hercegovine (SOGFBiH) koju su sačinjavali načelnik Općine Goražde Muhamed Ramović, načelnik Općine Tomislavgrad Ivan Vukadin i direktorica Saveza općina i gradova Vesna Travljanin je 27. aprila/ travnja u Sarajevu posjetila Federalno ministarstvo pravde, gdje je održan sastanak sa ministrom Matom Jozićem i njegovim saradnicima. Na sastanku sa ministrom razgovarano je o nadležnostima jedinica lokalne samouprave, zatim o nacrtima zakona, koji su u proceduri, insistirajući na većem uvažavanju Saveza općina i gradova Federacije BiH, te

dogovoreni modaliteti buduće saradnje sa Federalnim ministarstvom pravde. Naglašena je pozicija Saveza općina i gradova Federacije BiH kao legalnog i legitimnog predstavnika jedinica lokalne samouprave u Federaciji BiH.

Zaključeno je Savez općina i gradova FBiH podrži Prijedlog zakona o energetske efikasnosti, uz uslov da se primjedbe koje su dostavljene Ministarstvu i iznesene na ovoj sjednici prihvate, te da se obavežu kantonalne/županijske skupštine da usklade zakone o prostornom uređenju sa ovim zakonom.

SVEČANA SJEDNICA OPĆINSKOG VIJEĆA KAKANJ

U povodu 15. aprila, Dana općine Kakanj, u kino Sali Doma kulture održana je svečana sjednica Općinskog vijeća kojoj je prisustvovala direktorica Saveza općina i gradova Federacije BiH Vesna Travljanin. Nakon uvodnog obraćanja predsjedavajućeg općinskog vijeća Slavena Katičića koji je sumirao ono što je urađeno u proteklom periodu uslijedila je dodjela petnaestoaprilskih priznanja. Podsjećamo na 41. sjednici općinskog vijeća koja je održana 31. marta 2016. godine vijećnici su jednoglasno usvojili Prijedlog o izmjenama i dopunama Odluke o dodjeli petnaestoaprilskih priznanja.



Grb Općine Kakanj

Na prijedlog klubova SDP-a i SDA ukinuta su tri člana odluke koja su predviđala novčane nagrade za dobitnike priznanja, tako da su dodijeljena samo priznanja, a nakon toga je vijeće sa 24 glasa za i dva suzdržana podržalo Prijedlog odluke o dodjeli petnaestoprilskih priznanja. Grb općine Kakanj dodijeljen je općinskom načelniku Nerminu Mandri. Plakete sa diplomom dodijeljene su Feridu Čaluku – "Kakanj Petrol", Alenu Delibašiću – "Interagro" i Suvalu Sačiću (posthumno). Zahvalnice su dodijeljene Hajrudinu Zekiću, Elvedini Plasto, Dževadu Begiću, Neziru Čaluku i Ivi Kovačeviću. U ime nagrađenih prisutnima se obratio načelnik Općine Kakanj Nermin Mandra. U kulturno-zabavnom dijelu programa prisutne su zabavljali djeca i mladi iz KUD "Fadil Dogdibegović – Dikan", Gradski hor i Denijal Ahmetović.

POSTAVLJEN KAMEN TEMELJAC ZA IZGRADNJU ZGRADE INTERNACIONALNOG UNIVERZITETA U GORAŽDU

U ulici Ferida Dizadrevića je 27. aprila/ travnja u prisustvu brojnih zvaničnika i gostiju organizovano svečano polaganje kamena temeljca za izgradnju zgrade Internacionalnog univerziteta u Goraždu.

Program je počeo obraćanjem rektora Internacionalnog univerziteta u Goraždu prof.dr. Džemala Subašića, koji je tom prilikom govorio o važnosti Univerziteta za Goražde – "Danas na postavljanju kamena temeljca se vidi ozbiljnost šta to



osnivači namjeravaju uraditi u BPK-u. Mislim da je čast na ovom prostoru, u herojskom Gradu osnovati jedan univerzitet internacionalnog karaktera, gdje već na tom planu radimo i potpisali smo Sporazum o naučno-poslovnoj-tehničkoj saradnji sa Malezijom, Mađarskom i Engleskom, već ulazimo na vrata Europske nauke i drago nam je da ćemo sutra djecu BPK i šire uvesti u naučne vode i da budu dostojni djelatnici u privredi, javnim ustanovama, organima uprave. Ja imam običaj reći da su studenti nama na prvom mjestu i nadamo se da ćemo imati podršku od svih u Kantonu, javnim ustanovama, u srednjim i osnovnim školama i od političke zajednice BPK-a. Ovo je danas veliki dan i ovdje se vidi ozbiljnost osnivača da je obrazovanje plemenita stvar da ulaganje u obrazovanje nije trošak, da je to dugoročna investicija koja će se isplatiti i gdje ćemo utkati znanje naših studenata u BPK. Ja vam se zahvaljujem i nadam se da ćemo imati punu podršku, a mi imamo namjeru da upotrijebimo sve Europske standarde, da primijenimo okvirni Zakon na nivou BiH o visokom obrazovanju, Zakon o visokom obrazovanju BPK i naravno sa resornim Ministarstvom nauke, obrazovanja i mladih sa kojima imamo potpunu saradnju." Nakon Rektora prisutnima se obratio jedan u vlasnika Internacionalnog univerziteta u Goraždu dr. Emir Duranović govoreći o projektu izgradnje zgrade Internacionalnog univerziteta u Goraždu – "Radi se zgradi koja će biti 48 m duga, 14 m široka, prizemlje plus šest spratova. Mi cijenimo da bi ta investicija trebala da košta između 2,5 i 3 miliona KM, ako ne i 4 miliona zavisno od opreme, odnosno od atraktivnosti i luksuznosti opreme na objektu, tako da ne bi trebalo da pređe 4 miliona. Plan je da probamo u ovoj godini uraditi što više radova, da se stavi krov do kraja ove godine, a plan je da se 2017. godine u oktobru, novembru najkasnije osposobi da se može početi sa radom u toj zgradi." Da je Općina Goražde izdala potrebnu dokumentaciju u skladu sa zakonom istakao je načelnik dr.sc. Muhamed Ramović – "Općina Goražde je raspisala Javni poziv svima koji žele da ulažu na području Goražda. Obećali smo da mogu naići na veliko razumijevanje i to se i obistinilo. U ovom slučaju javili su se vlasnici Internacionalnog fakulteta u Goraždu, oni su uplatili rentu u iznosu od 266.000,00 KM sve su proveli po zakonu, dodijelili ostalu potrebnu dokumentaciju i papirologiju koja je njima bila potrebna u ovoj fazi. U narednom periodu sve što bude do Općine Goražde ponašaćemo se u skladu sa zakonom. Oni su za nas investitori, računam da će ovdje uložiti negdje oko 3 miliona, to je za nas velika investicija, a za Goražde jedna reprezentativna zgrada znači puno i drago nam je da su pozitivna kretanja u Goraždu." Nakon obraćanja položen je Kamen temeljac za izgradnju pomenute zgrade Internacionalnog univerziteta u Goraždu.



Grb Općine Goražde

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbic-bih-mne.org
www.srb-bih.org
www.cbic-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



SVEČANO OTVOREN KULTURNI CENTAR ALTINDAG- VISOKO



U Visokom je 22. aprila/ travnja svečano otvoren Kulturni centar Altindag-Visoko, čija izgradnja je finansirana od strane općine Altindag, Republika Turska.

Nakon polaganja cvijeća na Trgu žrtava Srebrenice, delegacija bratske općine Altindag se uputila prema Kulturnom centru, te su nakon intoniranja himne BiH i Republike Turske, Ambasador Republike Turske u BiH- Njegova exselencija - Cihad Erginay, Općinska načelnica Amra Babić, gradonačelnik Općine Altindag gosp. Veysel Tiryaki, pomoćnik načelnika Općine Altindag- Cebail Aslan i direktorica JU "Centar za

kulturu i edukaciju Visoko" Mensura Alibegović svečanim presijecanjem vrpce zvanično otvorili Kulturni centar Altindag-Visoko.

Svečanom otvorenju prisustvovao je i direktor Turskog kulturnog centra "Yunus Emre" Mehmet Akif Yaman, a pored gostiju iz Republike Turske prisustvovao je velik broj predstavnika zakonodavne i izvršne vlasti viših nivoa, predstavnici Ambasada u BiH, međunarodnih organizacija, udruženja i prijatelja Visokog.

U okviru kulturno-umjetničkog programa nastupili su: Armin Muzaferija, Maestro Bartolomej Stanković, KUD "Visoko", te turska pjevačica Ilkim, a predstavljeni su i radovi visočkih umjetnika iz Udruženja "Galerija Likum 76", skulpture sultana-djelo Edhema Gazdića, kaligrafski radovi – Mirze Mameledžije, te postamenti iz muzeja i udruženja "Sumeja" na temu "Bosanka soba". Gosti su bili u u prilici pogledati stalnu postavku "Otpor agresiji 92-95".

Zgrada je poklon turske bratske općine Altindag iz Ankare, a sastoji se od kongresne dvorane za 450 osoba, dvije manje dvorane za multiplex kino, nekoliko kabineta za razne vidove edukacije, biblioteka, čitaonica i niz drugih popratnih sadržaja, te velikog prostora na vrhu pod staklenom kupolom za izložbe i druge vrste skupova.



Grb Općine Visoko

U BIHAĆU ODRŽAN TRENING ZA KORIŠTENJE ALATA SWISS I CFM



Dana 26. aprila 2016. godine, u Bihaću je održan trening predstavnika 15 općina i gradova Federacije BiH i Republike Srpske za korištenje Modela općinskog informacionog sistema za upravljanje čvrstim otpadom (SWIS) i Modela troškova i financija (CFM). Organizatori treninga su bili Savezi općina i gradova FBiH i RS.

SWIS i CFM modeli su predviđeni da kao aplikacije podrže rad jedinica lokalne samouprave i njihovih javnih komunalnih preduzeća u organizaciji prikupljanja, analize i obrade podataka o otpadu, na

način da pomognu u sticanju jasne slike o stanju oblasti upravljanja otpadom na nivou jedinice lokalne samouprave. SWIS i CFM osiguravaju bolji pregled aktivnosti upravljanja otpadom i strukturu troškova na temelju kojih se mogu unaprijediti metodološki i organizacioni okviri upravljanja otpadom.

„Prikupljanje podataka o čvrstom otpadu u zemljama jugoistočne Evrope”, se sprovodi u saradnji sa Mrežom asocijacija lokalnih samouprava jugoistočne Evrope (NALAS), a uz podršku Njemačke agencije za međunarodni razvoj (GIZ) putem Otvorenog regionalnog fonda za modernizaciju općinskih usluga (ORF MMS).

SWIS i CFM modeli su predviđeni da kao aplikacije podrže rad jedinica lokalne samouprave i njihovih javnih komunalnih preduzeća u organizaciji prikupljanja, analize i obrade podataka o otpadu, na način da pomognu u sticanju jasne slike o stanju oblasti upravljanja otpadom na nivou jedinice lokalne samouprave.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MAJ / SVIBANJ

02. maj/svibanj - **Dan Općine Centar Sarajevo.** Naime, toga dana 1992. godine dešavale su se presudne bitke za odbranu Predsjedništva RBiH.

02. maj/svibanj - **Dan Općine Stari Grad.** Naime, toga dana 1992. godine dešavale su se presudne bitke za odbranu Starog Grada i Sarajeva, kao što su borba za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.

08. maj/svibanj - **Dan Općine Kladanj** i dan formiranja Teritorijalne odbrane 1992. godine.

15. maj/svibanj - **Dan Općine Usora.**

16. maj/svibanj - **Dan Općine Novo Sarajevo.** Ovaj datum simbolizira «Pofaličku bitku», kojom je 1992. godine agresoru onemogućeno da podijeli Sarajevo.

20. maj/svibanj - **Dan Općine Bugojno.** Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.

23. maj/svibanj - **Dan Općine Kalesija.** Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.

24. maj/svibanj - **Dan Općine Čitluk.** Na taj dan 1306. godine Čitluk, odnosno Brotnjo, prvi put se spominje u trgovačkim odnosima s Dubrovnikom.

25. maj/svibanj - **Dan Općine Bosanski Petrovac.**

